



# Namatan Short Film Festival

## 2020

### STORIAN BLONG NAMATAN SHORT FILM FESTIVAL – “Ae blo yu lukluk blo mi”

Namatan Short Film Festival hemi wan initiative blong Hae Komisen blong Ostrelia mo Vanuatu Broadcasting mo Television Corporation (VBTC).

Namatan hemi born long 2012 blong givim janis long ol man mo woman Vanuatu blong sharem stori blong olgeta wetem pipol blong Vanuatu tru long wan shot film. Evri yia Namatan Short Film Festival i kasem ova 8,000 pipol raon long Vanuatu tru long skrining blong ol shot film long komiuniti, long sekondari skul mo long finale we i hapen long Port Vila. Komiti blong Namatan Short Film Festival bae hem wan i selektem ol shot film blong skrinim. Seleksen I folem tems mo kondisens blong Namatan Short Film Festival.

Digicel Vanuatu, ANZ Bank mo Air Vanuatu oli longtaem sponsas blong Namatan Short Film Festival. Oli kontribiut bigwan long sekses blong Festival ia. Tu oli sponsorem ol gudfala prae.

Namatan hemi wan word we i minim “ae” long lanwis blong SHEFA. Slogan blong Namatan Short Film Festival hemi “Ae blo yu, lukluk blo mi” we i minim se film meka i sharem storian blong hem mo ol man mo woman we oli watjem oli karemaot mesej blong stori ia.

### 2020 NAMATAN SHORT FILM FESTIVAL

Long Mandei 24 Okis, Hae Komisen blong Ostrelia mo Vanuatu Broadcasting mo Television Corporation oli ofisoli bin lanjem 2020 Namatan Short Film Festival. 2020 i markem 9 yia blong Namatan.

Hae Komisen blong Ostrelia mo Vanuatu Broadcasting mo Television Corporation oli glad blong invaetem yu blong mekem wan shot film blong yu blong sharem stori blong yu raon long Vanuatu mo kat wan janis blong save winim sam gudfala prae.

Bifo statem prodaksen blong yu, plis ridim gud ol tems mo kondisens mo entri fom fes taem, bifo enterem festival ya.

**Digicel**

**ANZ**

**VBTC**  
CONNECTING PEOPLE TO KNOWLEDGE  
Halo Family

Australian High Commission  
Vanuatu

**Air Vanuatu**



# Namatan Short Film Festival

## 2020

### PRAES – GENEROL KATEGORI

Hae Komisen blong Ostrelia mo VBTC oli talem tankyu i ko long Namatan Short Film Festival sponsas: Digicel Vanuatu, ANZ Bank Vanuatu mo Air Vanuatu blong sponsorem ol praes ia:

*The Namatan ANZ Bank Fes Praes Award – VT200,000*

*The Namatan Digicel Vanuatu Sekon Praes Award – wan smartphone (anansmen bae i kam long yia ya)*

*The Namatan Digicel Vanuatu Nambatri Praes Award – wan smartphone (anansmen bae i kam long yia ya)*

*The Namatan Air Vanuatu Jois blong Pipol Award – (anansmen bae i kam long yia ya)*

### PRAES – SKUL KATEGORI

*The Namatan Hae Komisen blong Ostrelia Award – wan video projekta*

### 2020 SPESOL ITEM

Wan long ol kondisen blong save tekem pat long Namatan Short Film Festival hemi blong mekem sua sei film i mas inkludum wan spesol item blong Namatan Short Film Festival blong 2020. Hemia hemi soem se yu prodiusum shot film ya blong enterem long festival long yia ya.

Hae Komisen blong Ostrelia mo Vanuatu Broadcasting mo Television Corporation oli praod blong anansem se spesol item blong Namatan Short Film Festival long 2020 hemi namba ‘40’. Tufala organisasen i jusum item ya blong celebreatem 40 yia aniversari blong Independens blong Vanuatu mo 40 yia aniversari blong diplomatik relesensip blong Ostrelia wetem Vanuatu.

**Digicel**

**ANZ**



**AirVanuatu**

## OL TEMS MO KONDISENS

Ol tems mo kondisens we i stap long pepa ia i aplae long evriwan we i enta long Namatan Short Film Festival blong 2020. Ol tems mo kondisens ia i kriitem wan akrimen bitwin Namatan Short Film Festival Komiti mo man o woman we i mekem film. Ol film i mas folem stret olgeta tems mo kondisens ia blong i save kwalifae blong ol jaj i save jajem.

1. Blong entarem shot film blong yu long festival ia, yu mas wan residen blong Vanuatu. I no gat eni ristriksen long hamas yia yu mas gat.
2. Eni man, woman o grup i save sabmitim wan film. Sapos wan grup i wantem tekem pat, grup ya i mas nomineitem wan Tim Lida.
3. Yu mas submitim shot film blong yu long VBTC o Hae Komisen blong Ostrelia long Port Vila bifo **4:30 pm long Mandei 9 Novemba 2020** wetem entri fom we i komplit gud mo olgeta stret consent foms (luk long point 13).
4. Ol shot film oli mas kam long olgeta spesifikeisens ia: Format – MOV (quicktime) o AVI; Region – PAL; Ratio – 16:9. Ol film i mas kam long hard drive, thumb drive or disc wetem taetol blong film, nem mo kontakt ditel blong film meka long fael taetol wetem lebol long aotsaed.
5. Durasen blong shot film i mas stap bitwin wan minit kasem seven minit nomo inkludum ol taetol.
6. Ol shot film ia i no mas stap wan advetismen o komisol.
7. Ol film meka i mas mekem shot film spesifikoli blong festival ia nomo, mo i mas kat insaed spesol item blong 2020 we hemi namba '40'. '40' i mas apea insaed long bodi blong film blong yu (i minim sei yu no mas putum long taetol blong film o long las taetol blong film blong yu).
8. Ol shot film oli mas aknolejem Hae Komisen blong Ostrelia, VBTC, Digicel Vanuatu, ANZ Bank mo Air Vanuatu insaed long ol taetol.
9. Ol shot film oli save stap long eni lanwis. Long olgeta shot film we oli no stap long English, yu mas mekem sam subtitle long English. Sapos yu no save mekem subtitle yu mas sendem wan script lopng English blong ol jaj oli save andastanem gud.
10. From we ol shot film bae i kamaot long pablik wetem ol dif-difren ej grup, ol film we i karem olgeta fasin we i stap daon long pepa ia bae oli no save patisipeit:
  - ol swea toktok
  - toktok o fasin we i leftemap fasin blong usum drug o alcohol
  - fasin blong neket
  - ol sexuol lanwis mo imej
  - toktok o fasin we i leftemap fasin blong violens agenstem ol woman o ol pikinini
  - Fulap violens o blad



# Namatan Short Film Festival

## 2020

### OL TEMS MO KONDISENS

11. Ol pictja long shot film i mas ol original we hemi blong film meka o hemi no pictja blong dif-difren man o woman.
12. Ol film meka i mas iusum musik we oli kat raet long hem. Ol musik we film meka i iusum i mas ol originol musik o film meka mas kat wan pemisen long raeting i kam long artist se yu save iusum musik blong hem.
13. Evri akta long shot film i mas akri se perfomens blong olgeta oli save iusum long film tru long konsen fom we bae wan wan long olgeta bae i saenem. Long olgeta pikinini (anda 18 yia) bae wan parent o kaedien i mas saenem konsen fom blong olgeta. Yu save kolektem konsen fom ia long VBTC o kasem long websaet blong Hae Komisen blong Ostrelia:  
<http://www.vanuatu.highcommission.gov.au/pvla/events.html>.
14. Bae i gat wan panel blong jaj we Namatan Short Film Festival Komiti i jusum we bae oli jajem ol shot film. Panel blong ol jaj ia oli no rekwaе blong oli givim rison blong olgeta long desisen we oli tekem folem jajing proses.
15. Bae ol memba blong pablik nao i jusum People's Choice Award folem olgeta votes we pipol oli mekem.
16. Ol praes we bae oli givim bae i go towods wan shot film, be i no long wan wan man o woman. Blong givimaot praes long olgeta we oli mekem wan shot film hemi responsibiliti blong Tim Lida we i stap long entri fom.
17. Ol praes we i kamaot oli no save transferem, exjenjem o askem mani from.
18. Namatan Short Film Festival Komiti i gat exklusiv raet long evri film we hemi kasem long Festival ia, tru long wan Eksklusiv Laesens\*. Raet ia i blong Namatan Short Film Festival nomo, pablik i no save iusum olgeta shot film kasem taem we raet ia i finis.
19. Eksklusiv Laesens ia i save janis i go long Non-Eksklusiv Laesens \*\* o finis olsem we i stap daon long pepa ia:
  - a) Olgeta non-finalist, bae Exklusiv Laesens i finis long 31 Oktoba 2021 mo evri raet bae i go bak long film meka.
  - b) Long ol finalist, Eksklusiv Laesens bae i finis long 31 Disemba 2021 mo janis i go long Non-Eksklusiv Laesens kasem 30 Jun 2022.
20. Evri shot film i save kat smol jens long em blong mitim or folem brodkasting riqwamens. Broadcast deit bae Namatan Short Film Festival Komiti nao bae i desaed long hem.

**Digicel**

**ANZ**



Australian High Commission  
Vanuatu

**Air Vanuatu**



# Namatan Short Film Festival

## 2020

Page 5 of 8

### OL TEMS MO KONDISENS

\*Wan **Exklusiv Laesens** i minim se yu o eni memba blong pablik we i akt long bialf blong yu i no save iusum o salem film long taem blong wan stret period. Long period ia, Namatan Short Film Festival Komiti bae i save givim raet blong film blong yu long olgeta narafala film festival o exhibisen long internet o televisen (nogat narafala man o woman i save grantem sem raet ia long iuse blong film blong yu).

\*\*Wan **Non-Exklusiv laesens** i minim se Namatan Short Film Festival Komiti i save iusum mo givim raet long film blong yu olsem we i stap antap. Mo yu o eni memba blong pablik i save gat sem raet ia.

**Digicel**

**ANZ**

**VBTC**  
Vanuatu Broadcast Commission

Australian High Commission  
Vanuatu

**Air Vanuatu**



# Namatan Short Film Festival 2020

## KONSEN FOM (+ 18 yia)

*Blong use blong ol pefoma we yia blong olgeta i ova 18 yia*

Mi, \_\_\_\_\_ (nem blong yu), mi givim konsen blong mi long \_\_\_\_\_ (nem blong man o woman we i produisum shot film) blong iusum ol imej, audio mo video footage blong mi long shot film \_\_\_\_\_ (nem blong shot film) long Namatan Short Film Festival 2020.

Saen: \_\_\_\_\_

Deit: \_\_\_\_\_

Fon/Email: \_\_\_\_\_

**Digicel**

**ANZ**

**VBTC**  
Vanuatu Broadcast Commission

Australian High Commission  
Vanuatu

**Air Vanuatu**



# Namatan Short Film Festival 2020

## KONSEN FOM (- 18 yia)

*Blong use blong ol pefoma we yia blong olgeta i anda 18 yia*

Mi, \_\_\_\_\_ (nem blong mama o tati), mi givim konsen blong mi long \_\_\_\_\_ (nem blong man o woman we i produisum shot film) blong iusum ol imej, audio mo video footage blong piknini blong mi \_\_\_\_\_ (nem blong piknini) long shot film \_\_\_\_\_ (nem blong film) long Namatan Short Film Festival 2020.

Saen: \_\_\_\_\_

Det: \_\_\_\_\_

Fon/Email: \_\_\_\_\_

**Digicel**

**ANZ**

**VBTC**  
Vanuatu Broadcast Commission

Australian High Commission  
Vanuatu

**Air Vanuatu**



# Namatan Short Film Festival 2020

## ENTRI FOM

Yu save faenem ol entri fom blong 2020 Namatan Short Film Festival long

<http://www.vanuatu.highcommission.gov.au/pvla/events.html>.

Tu, yu save faenem long ofis blong VBTC long Port Vila, long shops blong Digicel Vanuatu mo long Hae Komisen blong Ostrelia long Port Vila.

### INSTRAKSEN BLONG ENTA

Blong enterem wan shot film blong yu long Namatan Short Film Festival 2020, yu mas:

- rispektem gud ol tems mo kondisens blong Namatan Short Film Festival 2020;
- mekem sua se ol man mo woman we oli stap long shot film blong yu i saenem konsen fom;
- mo submitim entri fom + ol konsen fom + shot film blong yu bifo long **4:30 pm long Mandei 9 Novembra 2020** long VBTC o long Hae Komisen blong Ostrelia.

Sapos yu wantem postem i kam long mail, yu sendem i ko long adres ya:

Vanuatu Broadcasting and Television Corporation (VBTC)  
2020 Namatan Short Film Festival  
PMB 9049  
Port Vila

Sapos yu wantem moa infomesen, yu save kolem +678 22777 or +678 22999.

**Digicel**

**ANZ**

**VBTC**

Australian High Commission  
Vanuatu

**Air Vanuatu**



# Namatan Short Film Festival

## 2020

Page 8 of 8

\*\*\*\*\*

Taem yu saenem fom ia, yu agri long ol tems mo kondisens blong Namatan Short Film Festival 2020

Tikem WAN kategori nomo long fom ya

JENEROL KATEGORI

or

SKUL KATEGORI

Nem blong film meka o tim lida:

Nem blong tim lida, skul, mo klas

Taetel blong film: \_\_\_\_\_

Hamas yia yu kat: \_\_\_\_\_

Sitisensip blong yu: \_\_\_\_\_

Hom aelan blong yu: \_\_\_\_\_

Tel: \_\_\_\_\_

Email: \_\_\_\_\_

Longwan blong Film: \_\_\_\_\_

Taep blong film: \_\_\_\_\_

Mi, \_\_\_\_\_ (putum nem blong yu), agri blong folem ol tems mo kondisen blong Namatan Short Film Festival 2020.

Saen \_\_\_\_\_ Date \_\_\_\_/\_\_\_\_/2020

Digicel

ANZ



Australian High Commission  
Vanuatu

Air Vanuatu